

後一條四年己未寬仁五月八日入道前太政大臣藤原道長重勅如故出家以後希代之例也

〔扶桑略記二十九〕治曆三年丁未十月七日壬子前大相國賜准三宮勅書年官年爵食邑三千戶內舍

人二人左右近衛兵衛各六人為隨身資人卅人如忠仁公舊事

〔公卿補任崇德〕散位前太政大臣從一位藤忠實保延六年二月十日宣旨聽乘輦車出入中重六

月五日勅宣年官年爵一准三宮又食邑三千戶以內舍人二人左右近衛各六人為隨身兵仗并給帶

仗資人卅人如忠仁公故事者

〔兵範記〕久安五年十月十六日甲子今日攝政殿藤原忠通北政所從一位藤原朝臣宗子有准三宮勅書

事上卿左兵衛督重通卿依召參右仗藏人頭以皇太后宮權亮為通朝臣宣下之大內記長光削作之

其勅文曰

勅中從一位藤原朝臣者攝籙之嫡室皇后崇德后聖子時為皇太后之母儀也訓導克宣施榮輝於掖庭之

月節儉夙標傳佳譽於曲阜之風况朕義同祖母禮如順孫撫養之恩惟深報酬之忠最切是以誼語

芳躅於倭漢將准徽號於宮闈宜授本封外邑土三百戶年爵并內外官三分主者施行

久安五年十月十六日

〔台記〕久安六年正月廿二日庚子申刻大相府藤原忠通與書曰禪閣藤原忠實嚴命如此宜計示者即見禪

閣御消息載三箇條一條殿欲加階已為從一位可益加何事乎角振隼宜加一階憲雅可加階而重喪

人有憚否此等事與左大臣長願謀議可否候以聞法皇者報狀曰一條殿已極位無所可益加竊以為

帝之高祖母齡過九旬是年九被准三宮理尤可然角振隼加階亦必可中是夜候內後聞內大臣奏

勅書云々勅有功必酬貽葬範於竹帛積善永顯傳佳猷於典墳從一位藤原朝臣全子藤原師通妻者攝籙

大相國之祖母也四德俱備六行相兼二代宰臣之致輔弼也受彼餘裔當時皇后之儼啓令也為其曾

孫仍縱擬安懌之歡寧忘褒崇之道宜授邑土三百戶并年爵內外官三分主者施行